

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Antinomia Iuris Pontificii Et Cæsarei - per CCL. Differentias plurium
Doctorum auctoritate probatas, singulari studio in certas classes reducta,
discussa, & explicata

Strein, Johann

Coloniæ Agrippinæ, 1658

Cl. Differentia 27. Iure Canonicō filii legitimi censentur, qui ex matrimonio
publicè, & bona fide contracto saltem alterius parentum nati sunt, licet
revera matrimonium inter ipsos non constiterit.

[urn:nbn:de:hbz:466:1-61864](https://nbn-resolving.de/urn:nbn:de:hbz:466:1-61864)

Cl. XXVII.

DIFFERENTIA 27.

Iure Canonico filii legitimi censemur, qui ex matrimonio publicè, & bona fide contracto saltem alterius parentum nati sunt, licet revera matrimonium inter ipsos non constiterit. c. 2. & c. penul. Qui filij sint legitimi. At Iure civili tales filij spurii habentur. l. 3. C. Solut. matrim. Canisius. 45.

Glossæ observatio est, in c. 2. cit. *Qui fil. sunt legit.* quando matrimonium in facie Ecclesiæ publicè contractum est, quamvis impedimentum subsit, filios ex eo natos secundum antiqua iuralegiumos esse, etiam si coniuges postea separentur. Similiter in c. penult. eod. *y. legitimum.* Hinc patet, inquit, quod sufficit bona fides alterius parentis, ut filij dicantur legitimi, & si nascantur libet mota, legitimi sunt, licet postea separantur. Eadem Raymundi apud Sylvesterum doctrina est. Legimus censemur, qui natus est de legitimo matrimonio, vel eo, quod legitimum repudiat, licet intendiceret impedimentum. c. inter Ioann. *Qui fil. sunt legit.* & hoc sive ambo in facie Ecclesia bona fide coniuncti sunt, credentes, se legitimè copulatos, cum tamen non essent, sive alter tantum hoc credebat, quia sic etiam legitimus est filius, & utrique parenti succedit. c. Ex tenore. eod. Secus si clandesti-

nè contraxissent: quia videtur fuisse ignorantia affectata, & multò magis, si ambo scientes publicè contrixerunt. c. Cum inhib. 10. De clandest. sponsat. v. Gaill. lib. Observ. 2. 48. n. 6.

11. Legum civilium alia dispositio est. Nam Antoninus Imperator in lib. 3. citat. C. solu. matrimon. Spurios declarat illos, qui nati sunt ex libera, & eo qui servas est, & existimabatur liber esse. In huiusmodi igitur ignorantia, & bona fides non eundem effectum habent, quem Iuris Canonici benignitas illis tribuit. v. Sanchez De Matrimon. lib. 3. Disputat. 42. num. 2. & Silvester in v. Legitimi. Vbi de modo legitimationis multiplici, eiusque effectibus multa & utilia tradit.

* *

DIF.